



For Immediate Release

***Division of Elections*-aat Ayagnillerkai Top Four Primary-q
Ranked Choice Voting-aaq-llu**

March 1, 2021 (JUNEAU, AK) – *Better Elections Initiative*-aaq aturyaurciiquq February 28-aami. Cucuklitulit cucuklirciqut nutarami political party-nun allakaumanrilngurnun *Top Four Primary*-mi (Cetaman cucukecetaalriit amllenritnek cucukumallret cucukliqaraarutiitni) August 16, 2022-aami, Cucuklirpagyarami-llu tungliquurluki naaquatliluki cucuklirluteng (*Ranked Choice Voting*) November 8, 2022-aami.

Division of Elections-aat cimiutait cucuklitulit tangersugngariciqait; ayagneqluki nutartellrit cucukecetaararkat imirarkait maligtaquluku nutaraq alerquun. Ilakluku, DOE-m aturciqai nutarat kitukanillret-llu picirkangutet ayagnillerkaanun nutaram alerquutem. Caliaqellra Alaska-m cucukliryaraan cimillra cucukliriit ciuniullratnun calirpagnarquq ak'aninaqluni-llu, taugaam DOE-m cumigutkaak aassaqucimanritlerkaq ilagaucugngallrit-llu cucuklitulit.

Arcaqalriit cimiutekat ilait ukuugut:

- **Cucuklircuun atauciugarkauluni cucukliqaraarutmi.** Tamarmeng cucukecetaalriit igausngaciqut *political party*-nun ilagausngallrit aturpeknaki. Kiingan cetaman cucukecetaalriit amllenritnek cucukumallret cucukliqaraarutmi ciutmuruciiqait cucuklirpagyaramun. Cucukliqaraarutem aturngaitaa RCV-q.
- **Cucukecetaalriit kaigatiita aturnanrillerkai.** Cucukecetaalriit cucukliqaraarutmi uitaksailnguut ellimangaitut cucuklirpagyaram cucuklircuutiini. Cucukliqaraarutmi cucukecetaallrunrilnguut cali igaucecugngaut Cucuklirpagyarami.
- **Cimillret cucuklircuutekat ayuqucirkait/alerquutait Cucuklirpagyarami.** Cucuklitulit tungliquriyugngaciqut cucukiyugngaluteng-llu amllernek wall' ikgelngurnek cucukecetaalrianek igaucimalrianek/ellimalrianek (wall' igauciluteng cucukekngamegnek). Muriikeniaraci *division*-aam *website*-aani Cucuklirpagyaram cucuklircuutiin ayuqii.

- **Ciuqliit kiingita naaqeqarraallrit qanrutkumaciqut Cucukilllrita Atakuani.** Una ayuquq ciungani cucukliryaraicetun cali-llu ukut naaqerraarutekciqluki.
- Cucukecetaalriartailkan avgatnek wall'u amlenranek cucukliutelegmek, naaqenqigciiqait **15-aat erenret tekiskata cucukliryaram kinguani**, cucuklircuutet ciuniurumaraarcelluki naaqumariraarcelluki-llu.

Director Gail Fenumiai qanertuq, “*Division of Elections*-aaq upingauq aturyaurtellerkaitnek cucuklitulit piyuutait.” “Allrakuq cipluku, *Alaska*-rmiut calillguttekciqaaput kangingnaurulluki qaillun makut cimiutekat cucukliryaraq agtuumaarkauiatnek cali-llu ukveqluku 2022-aaq tekiskan cucuklitulit upingaarkauiat. Calillgutma calirpautekuurciqaat elluarrluku cimillerkaa cucukliryaram.”

Elitnaullerkait cucuklitulit *Top Four Primary*-mek *RCV*-mek-llu arcaqalriaruq cucukliryaram elluarillerkaanun. *DOE*-m cumigutai cucuklirtet qaillun tamarkenegka cucukliryaraak taringenqegcaarallerkait, tapqulluki maligtaquarkaita cimiutait cucukecetaalriit imirillritnun, cucukillritnun, cucuklirvigmi calilrianun, nutaranun-llu naaqiyaraitnun. *DOE*-q elitnauritkiurtuq taringnarqellrianek atuyunarqellriit maliggluki nallunairutkanek *internet*-akun, *tv*/niicugnissuutekun, *website*-atgun, calillgutkellriakun, kalikatgun-llu. Ayagnillerkangqertuq *May 2021*-aami.

DOE-m tangvagluku *Maine*-am atullruaku *RCV*-q 2020-m Cucuklirpagyaraani, ayuqucirtuutekesqelluku *Alaska*-m cucuklirtainun qaillun *RCV*-m caliyaraa. Cucuklirtet tangvagyugngaata *RCV*-q *Maine*-am kangingnaullratgu *video*-mi wani <https://youtu.be/3Ez3aEUjRQo>. Nallunritnarquq *RCV*-kun cucuklillerkaata amlenruarkauiat *Alaska*-mi ayuqevkenateng *Maine*-atun.

DOE-m ilallrui *RCV*-m *FAQ*-ritnek (apqaurutaitnek piculriit-llu) *website*-ameggun, www.elections.alaska.gov. Nutarqurciqait qaqiuciaqameng nallunritarkanek. Cucuklitulit apqauryugngaut *RCV*-m tungiinun *DOE*-q *email*-arluku, elections@alaska.gov. *Division*-aam *website*-aa caliaquraraat, kitukanirturluku, cimirturluku-llu, ilangarkauluni-llu nallunairutnek *RCV*-m tungiinun ilakluki: cucuklircuutet ayuqait; elicungcarcuutnek *video*-nek; ayagniutekam tungiinun atullerkaita nallunairutaitnek taqlerkiurait-llu.

###

Igarluku wall' Qayagaurluku: Tiffany Montemayor – Public Relations Manager, Division of Elections:
GOV.elec.media@alaska.gov or (907) 465-4611

